



PRIMA SESSIONE URDINARIA DI U 2022
24 È 25 DI FERRAGHJU DI U 2022
1ERE SESSION ORDINAIRE DE 2022
24 ET 25 FEVRIER 2022

N° 2022/01/016

**Question orale déposée par Marie-Claude BRANCA
au nom du Groupe « Core In Fronte »**

OBJET : Par a difesa di u nosciu ambienti maritimu

A Girulata (Locu classificatu è iscrittu à u patrimoniu Unesco), A Rivelatta (Situ Natura 2000) è a baia di Calvi, a riserva di Bonifaziu, u Parcu maritimu di u Capi Corsu e di l'Agriati, e al di là l'insembu di u litturali custieru sò dappoi anni anni tocchi da una fraquintazioni tramenda d'un turisimu micca ammestratu chi, si ùn femu nunda rimittarà in causa l'equilibriu è l'integrità di l'ecosistema marinu e litturali.

Issa ricchezza dumanda una pulitica ardita di gestioni chi teni contu d'issi lochi di vita, di a riproduzioni, di u manghjà, di i tappi migratori chi apprufitani d'issi arbi di pusidunia.

A Cullettività tarritoriali di Corsica, incù cummuni e intercummunalità, l'Uffiziu di u Circondu, l'Agenzi e Uffizi di Corsica, i socioprufessiunali, l'Associ e i Fundazioni adopranu una pulitica chi tocca par via di u Parcu Naturali Rughjunali di a Corsica ssi lochi precisi. Si parla di svillupu durevuli.

In u 2019 un arrestu d'intardizioni d'armeghju vicinu à I costi pà pruteghjà l'arbi di pusidunia hè statu presu à u niveddu francesu. Qualchi mesa dopu hè stata dicisa una derugazioni chi parmetti l'armeghju di batella di 24 metra è più in I loca menu fundi indùva sicondi certi studii ùn ci sariani micca arbi di pusidunia. Vistu ch' idd'hè

un AOT ùn ci so micca stati studii cumpleti d'impattu annant'à l'ambienti. 14 coffani so ghjà stati stallati in u 2021 in a riserva di Bunifaziu è da qui à pocu ci ni duvariani essa 90 in tutta a Corsica. Par no hè primurdiale di pruteghjà è rispittà sti loca naturali, u nosciu ambienti è l'attività di i piscadori chi sarani missi in priculu da st'armeghja chi favorizzighjani a marcantilizazioni di u mari.

Issa decisioni s'upponi à a strategia di l'Unioni Auropiana à pro di a biodiversità (Leggi n° 2010-788 di u 12 di luddu 2010, par a prutezioni di u vivu, a leggi n° 2016 - 1087 di l'8 d'aostu 2010 par a ricunquista di a biodiversità) è infini di u Pianu d'Accunciamentu e di Svillupu Durevuli di a Corsica.

I nosci dumandi so chjari chjari :

Chì cunteti fà di pettu à ssi decisioni d'AOT? Chi cunteti di fà pà pruteghja I nosci loca di pettu à u priculu pà l'ambienti ch'iddu rappresenta l'armeghju di sti batella? Ùn pinseti micca chi u nosciu litturali mireta un mudellu economicu più rispittuosi di nosci loca è di i nosci rissorsi invece di u sviluppu di a marcantilizazioni cecca di u mari rappresentata da a missa in piazza di st'armeghja ?